

Igoro ya 'Ng'anaki...

Barry, A. L. - WHAT ABOUT? THE BIBLE - *Ekegusii*

Ebibilia

Omonyagitaari A. L. Barry
Omotaang'ani
Ekanisa y'Ekeluteeri y'Esinooti ya Missouri



Amakwaania ase erieeta ri'Omonene oito Yeso Kristo. Ebibilia nigo egeenderere koba egetaabu ekiya kegima gekoonigwa kobua getaabu keende gionsi korwa ense yatoongetwe. Ase chiingaki chionsi pi, Ebibilia yaruure ogouterwa kw'omoika o Nyasae, okoremia naende oboraai ase baria bayesoomire. Inee, Ebibilia nigo ere egetaabu geuteire omoika o Nyasae? Ee bono, naende goetania!

Tigaango toire chiingaki 'nkeigo korigereria oboene gete-gete bw'engeencho igoro y'Ebibilia.

Ebibilia Ninki?

"Ebibilia" ne riing'ana ri'Ekegiriki erio engeencho yaaye ere "egetaabu." "Egetaabu eke ekiya" 'nkereki? Okoiraneria oko nigo kore n'echinseemo ibere.

Ritaang'ani, Ebibilia nigo ere ogosangererigwa kwe ebitaabu – ebio ase oboamo bire 66 – korwa egetaabu kie ritaang'ani, Omochaakano, goika keria ki'omoerio, Okomaanoka. Ebitaabu ebi nigo biriikire igoro y'aria abeete emiaka chiribu chinyiinge na nigo biariigetwe ase omonwa bw'Ekeiberania gose Ekearaamu gose Ekeyunaani. Amariiko are ime y'Ebibilia nigo are ay'echingeencho ao ao: emegano igoro y'amang'ana a kare, obobani, amashairi, chinkwaana, amaruube, na ayaande amaange. Korwa ase oborori igo bw'ekemwanyabaanto, koamereria tikooyo 'ng'a Ebibilia negetaabu kebuete mariiko ande onsi.

Kabere, okoiraneria kwengeencho kegima igoro y'okoboria oko, "Ebibilia ninki?" nakwo oko: Ebibilia ne Riing'ana ria Nyasae. Ebibilia nigo ere ogosangererigwa kw'ebirengererio – noonya n'amang'ana aria aria – Nyasae abaete abariiki b'ebitaabu bi'Ebibilia. Ebibilia nekeegwa Nyasae aeire ekanisa Yaaye. Teri ogosangererigwa kw'ebigano b'iokoenora n'emegano ya kare. Ebibilia n'enchera y'obomaene naende etari na tang'u-tang'u eyio Nyasae Omoika Omochenu agokorera emeremo gototeebia Riing'ana ria Nyasae reero iga.

'Naki Twanyoorete Ebibilia?

Ebibilia enyene nigo ekweera buna twayenyooorete. "Amariiko Amachenu onsi nigo auteire n[']omoika o Nyasae, nar[o] [a]ranya[a]re gotwo[o]rokereria, na gotoku[u]rera, na gotorongeyia, na gotota[a]ng'ana ase oboro[o]nge" (2 Tim. 3:16). Aase ande nigo togoosoma 'ng'a "Obobani tibwareentetwe engaki ende yoonsi ase ogwaancha kwa mwanyabaanto, koreende abaanto abachenu ba Nyasae nigo baare gokwaana bataang'anire n'Omoika Omochenu" (2 Pet. 1:21).

Ekiagera abaanto bamanyete 'ng'a Ebibilia n'eriing'ana ria beene ria Nyasae, nigo yariigetwe naende ekairoorerwa koriikwa ase ogwechaanda kegima na ase oboagare, enuguta ase enuguta, riing'ana ase riing'ana. Noonya reero iga titobwaati amariiko amanyene y'Ebibilia yeritaang'ani, 'ntore n'ekeene 'ng'a Omoika Omochenu notogacherete Riing'ana ria Nyasae. Obotuki bwa ime kegima bwe Chibibilia chirifu chinyiinge chi'Okobwaatana Okoyia nigo bokwoorokia 'ng'a noonya omwaatananeke oreo moke gati y'ogoonchora ao ao, aande taiyo ase amoorokererio y'oboroso bw'Ebibilia agotwoomana.

Chibibilia chaito chi'Egesoongo nigo chire ogoonchorwa korwa ase emenwa y'eritaang'ani. Ekeri togokorera emeremo okoonchorwa goitabire, nabo toraabe n'ekeene 'ng'a 'ntore ne Riing'ana ria Nyasae ri'ekeene. Keria Riing'ana ria Nyasae rire ase Ekeibirania, Ekearaamu, gose Ekeyunaani, nakio kere Riing'ana ria Nyasae ase Egesoongo, gose ase monwa onde bweensi, onye okoonchora okwo gotigarete kobwaatana n'ememwa y'eritaang'ani. Ogoonchora ao ao goitabire nakwo oko gokobwatia: *the King James Version, the New King James Version, the Old Revised Standard Version, the New International Version and the New American Standard Bible.*

Ninki Gekogera Ebibilia ere n'Engencho kegima?

Onde nabo aranyaare goteeba "Ebibilia nigo ere nengeencho asende ekiagera

Igoro ya 'Ng'anaki...Ebibilia?

egonteebia keria 'ngwenerete gokora" na omoonto onde nabo aranyaare goteeba, "Emegano ya kare nigo ekong'inyooria igoro y'obwaana bwaane" gose "Ebibilia negetaabu gekoraa obogima bwa kera riituko." Amairanerio aya onsi naare n'obomaene gete, koreende naremeire engeencho eyio ekogera Ebibilia ere nengeencho enene: Nigo ere omochaakano omoene naende otari na tang'u-tang'u chiokomanya 'ng'a Yeso Kristo ning'o naende ninki atokoreire.

Yeso agateeba, "[Amariiko Amachenu] na[a]ro are kirori ase[e]nde" (Yohana 5:39). Eng'ana enene y'Ebibilia namang'ana amaya igoro yemeremo ya Nyasae kobwaatania ense amo n'Ere ase enchera yobogima, amakweeri, na okobooka kwa Yeso. Korwa omochaakano goika omoerio bw'Okobwaatana Ogokoro na Okobwaatana Okoyia riing'ana riinene ri'Amariiko Amachenu namariiko ariikire buna Nyasae areenge ase ense koyebeeke aang'e emoareganie Omwaana Oye na keria Omwaana Oye akorete ekero areenge aiga. Boigo nigo agototeebia buna ekanisa yanyoorete riing'ana eri ri'obonene ri'ogotooreka, na buna riarandete ase ense eye tomenyete. Engaki eyeemo Luther nigo agweekanetie Ebibilia nechiyaanga chikomekameka echio ekeng'weerere Yeso aboyetigwe. Aseigo ekereenga ki'Ebibilia 'nKristo.

Mwanyabaanto bekeene nigo baetwe amang'ana y'ekeene korwa ase Nyasae eriinde bayariike. Koreng'aana buna Omonene oito Yeso Kristo areenge Nyasae bw'ekeene na manyabaanto bw'ekeene, naboigo Ebibilia ere Riing'ana ria Nyasae ekeene naende ere amariiko a manyabaanto. Noonya Omonene oito Yesu oimogetie omobere bw'ekemwanyabaanto, oyio otareenge na bibe gose okomocha, ase enchera ya manyabaanto, Nyasae boigo akarwa okomaanoka igoro Yaaye Omonyene ase enchera y'amariiko ayio atareenge na komocha. Aseigo, nigo twegeenete 'ng'a Ebibilia teri na komocha (infallible) naende tebwaati boreemerwa (inerrant).

Ebibilia nebwaate omwaatananeko omonene kegima oyio omoonto agweenerete koinyora eriinde ayemanye [Ebibilia] boroonge: omwaatananeko gati ye Richiiko na Enchiiri. Ebibilia nigo ekoorokia obochenu na oboroonge bwa Nyasae boikeranete, na okoganya Kwaaye kw'oboikeranu. Richiiko Riaye, erio rieng'eirie kegima ase Amachiiko Ikomi, nigo rikoorokia ogotaigweera gwaito kw'ebibe naende ogotanyaara gwaito gwetooria. Enchiiri namang'ana amaya y'omogooko 'ng'a Omonene oito Yeso Kristo otwabeire ebibe biaito bionsi ase enchera y'obogima, amakweeri na okobokigwa ase engeencho yaito. Omwaatananeko obeene gati ye Richiiko na Enchiiri nooro oboroso bw'okoyemanya Ebibilia buya kegima.

Riing'ana rinene kegima ri'Ebibilia tiriri Richiiko ria Nyasae. Ebibilia teri ogosaangereria kw'amoorokererio a kera riituko. Ebibilia teri egetaabu gekonyaara koiraneria kera okobooria tobwaate. Gose ase engeencho eyio Ebibilia teri egetaabu ekio gekobanora (predict) igoro y'echingaki chire bosio. Okwoorokereria kore ekereenga na okwengeencho kegima ime y'Ebibilia n'Enchiiri, amang'ana amaya igoro y'ekeegwa kia Nyasae ki'ogotooreka ase enchera ya Yeso Kristo. Enchiiri nero ring'ana erio rietererete ase Ebibilia engima, korwa ase Okobwaatana Ogokoro goika ase Okobwaatana Okoyia. Aseigo ekereenga ki'Ebibilia n'Enchiiri.

'Ntomanyete 'ng'a Ebibilia tiyarweetwe rioka igo ase engeencho y'okorweegwa. Titori gotoorigwa ase engeencho tobwaate Ebibilia. Nigo togotoorigwa n'Omonene oito Yeso Kristo, oyio okoorokigwa ime y'Ebibilia. Nigo tokoyiegeena Ebibilia ekiagera nero Riing'ana ri'Omonene. Nigo tomwegeenete Ere, aseigo nigo toriegeenete Riing'ana Riaye koba eri'Ekeene. Nigo tokonyoora keria atoeire. Otoeire Amariiko Amachenu. Aseigo, Ebibilia nero oboroso naende ase kera egeento keria ekanisa yegeenete, ekwoorokereria, ekoorokia, naende ekweenaria. Aseki? Ase engeencho Ebibilia nero Riing'ana ri'Omonene riuteire

Omoika o Nyasae, erio Kristo na Enchiiri ere ekereenga.

Inaki Togokorera Ebibilia Emeremo?

Ebibilia nero oboroso bw'obokoreri bw'ekanisa. Ebibilia tiyareengete gotenena enyene gose enseemo korwa ase obomo bw'okwegeena okwo gokorokwa Ekanisa y'Egekristo. Nomoichaano ekeri abaanto baande bakorengereria 'ng'a baise gosooma Ebibilia, nabo baranyaare gotiga kogeenda ekanisa. Nigo tokonyoora ebiegwa bi'Omonene oito n'omogooko na titori goteeba, 'Ntotagete eke, koreende tari keria." Nigo eraabe ogosiria esiko yaito enene gochia ase Amariiko Amachenu toise gokora emeremo korusanania Ebibilia korwa ase ekanisa. Ekanisa n'oboamo bw'abaanto ba Nyasae abwo baetanaine Riing'ana amo ne Chisakaramenti chi'Omonene. Amariiko Amachenu n'okoorokia kw'obomaene naende gotari na tang'u-tang'u kwe Riing'ana ria Nyasae na aseigo, nigo agwenerete gosoomwa, gotukwa (studied) na korengererigwa na Abakristo ase ekanisa n'enka.

Intwe Abaluteeri nigo tomanyete 'ng'a Amariiko Amachenu nagwenerete goteebererigwa kobwatekana na n'ekereenga gi'ekeene ki'Ebibilia, Enchiiri, etari korusigwa mamochi bokong'u na gokorerwa emeremo y'okworokereria amang'ana are mamiincha y'Echiiri. Aseigo nigo tokobwaaterera bokong'u okoyokorera omonwa emeremo boroonge buna egwenerete n'amang'ana y'Ebibilia, twarigarigwa engeencho ereengire, eyio ere ya maiso marorera y'aria ariikire. Nigo tomanyete 'ng'a Nyasae Omoika Omochenu nigo agokora emeremo ase enchera y'Amariiko Amachenu eriinde koroisia na koreenda ekanisa chiingaki egosaangererekana ase amaraandia ye Riing'ana n'ogosaanga chisakaramenti.

Kera ekeri Riing'ana ria Nyasae rikoraandigwa, rikwoorokererigwa, rigotukwa, rigosoomwa, rikweegerwa gose korengererigwa, Omoika Omochenu nigo agokora omokia kobaonchora abaanto korwa ase ebibe biabo na kobareenta ang'e

na Kristo ase engeencho y'ogotooreka kwaabo. Aseigo, 'ntoganie koba ime ye Riing'ana kera riituko. Ase enka, nigo togosooma na korengereria Riing'ana ase enchera ya amasabo aito a bobisi na ayechiamate. Ase ekanisa, oboroso bw'amateera aito ne riturugia riito ne Riing'ana ria Nyasae. Abariisia baito nigo bagotoraandera korwa ase Amariiko Amachenu amasoomo ayio achoolire ase engeencho ya kera Riituko Ritaang'ani ri'Echuuma ase okobwaatia omorooberio bw'omwaaka bw'ekanisa. Abariimu baito bechisukuru nigo bakobaraa abaana baito ase okobaa obomanyi bwaime kegima bwe Riing'ana ria Nyasae. Ase Esukuuru ye Riituko Ritaang'ani ri'Echuuma, abaana nigo bagosooma emegano y'Ebibilia na aseigo batwara oboroso bw'obogima kwaabo. Ase amasoomo y'Ebibilia y'abasaae amo n'abaanto abanene, Amariiko Amachenu nigo agosoomwa ase chiinchera ao ao eriinde anyaaere gotomanyia na gotobareria omobaso na gotokoonya tomanyete buna tomenyete obogima bwaito buna abaanto ba Nyasae.

Amariiko Amachenu 'nkeegwa gesesenirie ki are gocha ase tore na gochia ase abaanto boonsi! Kera riing'ana erio Nyasae atagete tomanyete igoro Yaaye nao rire ime ye Riing'ana Riaye. Ase enchera y'Amariiko Amachenu, Omoika Omochenu nigo okoorokia ekeene igoro y'engeencho yaito y'ebibe n'amang'ana amaya y'omogooko igoro y'emeremo ya Nyasae y'ogotooria gwaito ase enchera y'Omwana Oye, Yeso Kristo. Ekeene, Riing'ana ria Nyasae neta[a]ya ase amagoro aito n'omobaso ase enchera togoeta (Zab. 119:105). Ase engeencho eyio nigo togosaba, "Omonene, totenenie bokong'u ase Riing'ana Riao."

Omonyagitaari A. L. Barry

Omotaang'ani

Ekanisa y'Ekeluteeri y'Esinooti ya Missouri